

203

i 196

DIPLOMA CUPIDINIS
FLORENTISSIMIS SPONSIS
FRIDERICO SCHROEDERO
ET
CATHARINÆ BENIGNÆ
NATÆ WILLERIÆ
PRO SALVIE ET INCREMENTO
GENERIS HUMANI
IMPERTITVM



301

DEORVM DECRETO
FRONTIBVS
TORI FANIQVE VENERIS
AFFIXIT
PAVLVS PATER

THORVNII

E CHALCGRAPHIA GYMNASII

ANNO M DC XCIII



Vm iterum Cupidinis vestibulo ad fa-
ni fores incumberem, & qvonam dicendi ge-
nere, novum sponsorum par compellarem, in mul-
tam noctem meditarer, nescio qvis sopor lumina
mihi clausit. illico mirum atqve inscitum somni-
avi somnium: Phœbum nimirum musarum prin-
cipem, & planetarum omnium regem videbar
gravissime apud Iovem accusari, perpetam qvod hactenus rem publicam
literariam administrasset: qvod Dianæ in silvis, qvam Minervæ in scho-
lis fidum magis socium se addixerit: qvod vascula, ollas, & medicorum
pyxides, radices item & herbarum flores, omne genus, ceu ipse gloria-
tur apud poetam: *Inventum medicina meum est, opifexqve per orbem dico,*
Et herbarum subiecta potentia nobis, sectatus potius, commissam sibi cœli
terræqve sphæram, tot in circulos minores, maiores, maximosqve de-
scriptam, tot in orbes tributam, obversis hinc atqve illinc verticibus, a-
xe intercurrente, orbe finiente intersectam in medio, transversa zona,
velut fascia, ab ipso Iove circumvestitam, ceu rem puerilem, insuper ha-
buerit: qvod alumnos & clientes suos, a paupertatis iniuria serviliter
presso, vindicaverit nunquam, ut potior iam eorum pars, inter acerbissimas
contumelias, extrema rerum inedia, animam proiecerit, gemebun-
daqve spiritum effuderit, & plura alia, qvæ tacitus pudor protrudere
vetat. Stomachabatur secum, & vehementer commotus erat Iupiter,
Phœbumqve ad inferos abripiendum edicto sancivit. Intercesserat Mer-
curius apud divum hominumq; patrem, Phœbiq; patrocinium in se re-
cepit, causam prætexendo, qvam superioribus proxime diebus altissime
in Parnasso ventilavit Christophorus Wagenseilius, polyhistor & juris-
consultus Altdorfinus. videlicet hanc doctorum calamitatem prisca ludæorum
nationi imputandam esse, ut qvæ solenni ieunio, anniversarii
sqve precibus divinam convenerat providentiam, oravitqve, ut sapien-
tiæ antistites divitiæ semper odio haberent, **NE VNQVAM DITE-
SCERENT:** experimento qvippe didicerat, ubi auri fulgor eo-
rum mentibus semel obversatus fuerit, admiratione divitiarum abre-
pti, & fœnori unice intenti, neqve Thoram neqve Mischnam de indu-
stria eos scrutari, nec Sabbathica in panegyri divina oracula, cum auditio-
rii fructu, recte atqve ordine interpretando evolvere. Movebant effi-
caciissimæ in hunc usqve diem ludæorum preces subiratum Deum, ut
sola capitis diminutione, in ultimas terrarum oras si deportaretur Phœ-
bus, contentus foret. Ita ergo divinitate exutus, cœloqve proscriptus,
novus hic orbis incola, & una litera plus qvam *medicus*, circumibat re-
gum & principum aulas, sed cum regia mathematum studia turpiter
antea neglexisset, & solam paupertatis & esuritionis magistram poesin
calleret, inde regii pecoris magistro, Ægoni an Melibæo: operam suam
addi.

adicere necessum habuit, factusque ex poetarum rege rusticanus bubs-
sequa ronchansque caprimulgus. Commodum me aliquando per cam-
pos Elysios Mercurius deduxit, ibi ego upilionem nostrum, arietes inter
& hircos, annosa prolixaque barba, vel cum ipso Platone de principatu
concertantes, conspexi, qui cum arcum & citharam, solum ex tanto re-
rum divinarum apparatu haberet residua, mirari primum subibat, quis
Deus, aut quis ventus, decantatam tantopere a poetis suis lauream, ca-
piti eius summovisset. mox tamen ex dumetis cornibus prominentes
vidi arietes bovesque laureatos, quod idem etiam privilegium adhuc-
num laureatos obtinere asinos audivi. Interea, dum fidum pastorem se
præstat, lupos ferasque a gregis incursu strenue arcet, Mercurium arcere
non potuit, quin citharam & plectra furto eidem subduceret, quæ in
Parnasso post venum exposuit, sed præter pædotribas & ludimagiſtros
aliqvt, pauci reperti sunt qui licerentur. Pollicitus emptorem me e-
ram, ubi periculum prius fecero, quæ adhuc residua divina vis foret, ad
Pegaseum melos aliqvod Hymenæo decantandum, & ita feliciter nego-
tium cesserat, ut horæ spatio ducentos lambos, non ita malos, effude-
rim, sed cum uno claudicarent pede, ne sinistro augorio, neonympho-
rum quoq; claudicaret felicitas, quicquid erat iterum expunxi. Adhuc
mercabatur ex dodrante bessis solidi unius Mercurius, cum Menippus
Parnassi fores impeteret, graviter baiulans, grandes aliqvt codices, ex
Phœbi supellestile, vetustate admodum atritos, Iovis iussu subhastan-
dos. Erat iis a tergo hæc nomenclatura indita: LOCI COMMUNES,
ADVERSARIA, COLLECTANEA, POLYANTEA, FLORES,
FLORIDA, FLORILEGIA, & qui omnium pondus superabat, bar-
barum titulum VADE MECVM in fronte deferebat. Vix præconi-
um fecerat Menippus, & horum ope, de quocunque proposito argu-
mento, expeditius dicendi materiam illio suppetere, alta voce pronun-
ciaverat, illico novelli oratores, parviqve poetæ, tanquam ad congestum
studiosissime thesaurum advolabant. Nec mora, explicant laudatum
modo codicem, & mox in conspectum venerant, aurea scilicet hæc car-
mina: o Hymen Hymenæ hymen, o hymen Hymenæ! Itemque: Primus a-
mor Phœbi Daphne. cetera, quomodo ab amore insibulari se passus fue-
rit, nota sunt. Bene actum mecum videbatur, nisi qui latera defende-
rant, ingeniosissimi homines, trans Rhenum, Alpes, aut Pyrenæa iuga-
nati, leve hoc scribendi genus, lippis notum & tonsoribus edixissent:
invidiam seculo facere, & memoriam ætatis nostræ onerare, qui a ma-
ioribus omnia iam occupata fore contenderent. Inde spretis veterum
traditis, novas inventiones physicas iuxta ac mathematicas, ab illis
neglectas, magis facere ad inclarescendum, nominisque gloriam aucu-
pcndam, monebant. si nempe ingenioso schemate, quod nec viderit,
nec legerit nunquam, in admiratione sui, lector perpetuo retineatur.

Qvi.

Quibus auditis, emptores deterrebantur, & Menippus merces non novas iterum complanavit, foralque indignabundus hinc se proripuit. ad quod spectaculum, præ risu somno solutus eram. Nondum nox penitus decelerat, cum expergefactus cœlum & sidera contuerer, vario aspectu, neonymphis salutaria qvæque vaticinantia! nec sine ominosa serie: quando & Magi, sive Persæ, sive Chaldæi, qvorum ecclesia hodierna die celebrat memoriam, ad gentilium redemptorem stella duce pervenerunt: & nobilissimus quoqve sponsæ genitor, at quantus fautor meus! in gentiliū stemmate stellarum trigam exhibeat. Frigidum proinde Saturnum non est quod extimescat sponsus, cum Venus, in cuius iam stat horoscopo, ad WILLERIAM ubi accesserit, plus satis dabat incalescere. Iupiter salutare amantibus sidus, in Geminis nunc gradiens, gemellos quoqve vaticinatur, plane Ioviales, hoc est, virtute præditos, divites, hilares, formosos, honorabilesque. Horribilis pater Mars, humanum genus qvi perdit magis; quam promovet, a coniugali foedere hic prorsus excluditur. Luna humorum mater & domina, vel ob hoc diligenda, quod ad generationem conservationemque humidum maxime facere Hometus annuat. Cum Sole media semper via tutissimus ibit, qvi Venerem comitem eius individuam, ex eodem centro descriperit, horis potissimum matutinis vespertinisqve horizonta fulgore suo lustrantem completemque. Et quo pacto Solis comes alter Mercurius, mercium, alias & sapientiæ autor, ex oculis nostris, ut fere solet, evanuit? cum tamen sponsæ genitricis, foeminae & pietatis, & omni in sermone affabilitatis claritudine, virtutumqve, familiaris hactenus fuerit Deus. quem & sponsis precor propitium. Plura de sideribus, qvomodo nunc sibi opponantur, nunc supponantur, nunc cum Iove, nunc cum Venere congregati, nunc retrocedere & resilire, velut tripudio amant, eodem modo dicturus eram, & forte aptiora prioribus, nisi primo statim diluculo in templo Cupidinis clangentis tubæ, citharæ, tibiae, psalterii, & cuius non genialis symphoniarum sonus exauditus fuisset. Mox foribus fani, quo nihil in vita vidi illustrius, celebrius nihil, mox reseratis, ipse Cupido per libellorum supplicum magistrum, mihi Diploma, in causa filiæ celebris illius Notarii, qvi tot aliis considerat Diplomata, postulanti tradidit, signatum sigillo Deorum formosissimi, in quo mira species divinæ viraginis comparebat: frons tota Cupidinis thronus erat: oculi solis instar, superciliorum, velut arcuum ope, in corda amantium sagittas iacebant: pilosæ genæ liliis condecoratae videbantur: labra baccis quasi corallineis tintæ, & crines catenarum pleni, amantium corda constricta tenebant: mollissima illa corporis pars, quam neonymphi in deliciis habent, cœlestis terrestrisqve sphæræ referebat figuram. Sed en ipsum cum Diplomate schema.

* * *

QUOD FELIX FAVSTVM QVE SIT REIPUBLICÆ AMATORIÆ! Cupido, iuxta cum ceteris Diis connubialibus, legentibus hac, aut spectantibus edicunt, Caium FRIDERICVM SCHROEDERVM, cum domum duceret Caianam suam CATHARINAM BENIGNAM WILLERIAM, in facie Deorum solenni iureurando se obstrinxisse, ad faciendum & prestandum quicquid ad illius personam, & res probe curandas pertinet: in prosperis pariter ac adversis socium illi ac indivisum comitem affuturum. Huius rei fideiijsores ipsam matrem nostram Venerem Verticordiam, & Iunonem Cinxiam habuit, fidelissimas harum rerum antistites. Proinde iniungimus Caio nostro, lectam in lectum ducat, flammeum tollat, vestes, Charitum ritu, exuat, zonam solvat, habeat, teneat, st! Atque ita rebus suis bene incumbat, ne Caia unquam in se residui competat actio: ad inferendum legale, citari se nunquam patiatur, sed semper ad peremptoriam compareat citationem: ne in ruitionem totius cause tandem condemnetur. Tu quoqve Caia, memento legis nostræ: Qvæ mulier suum virum vult sibi obsequentem esse & diutinum, modice ac parce eius serviat cupiditatibus. Caveat serio uterque, ne quis contra bonam fidem peccet. Interim, dolo bono, Caianam circumvenire, eiique imponere Romana lege licet. Secus qvi fecerit, nos iratos semper habebit. Actum in pleno senatu populoque Deorum, Anno a patris matrisque nostra connubio MMMMM DC XLII. Mense I.

ad MANDATVM PLVSQVAM CÆSAREVM
subscriptis

OVIDIVS

CATULLVS TIBULLVS
PROPERTIVS.



L'Edel Sivla.

inv. 42940

v. fol 2 art. 2B